



## IKIZAMINI K'IKINYARWANDA GISOZA IGIHEMBWE CYA1

Umwaka wa 6 MCB/PCB/PCM/MCE/MEG

Amanota: 60

Umwaka w' amashuri: 2025/2026

Itariki:...../12/2025

Izina ry'umunyeshuri:.....

### UMWANDIKO:INGWIZE YISHE MUTAMU

Umugabo Sehene ya Makuba yari atunze umukumbi w'ihene. Bukeye zimarwa n'impyi.

Asigarana ihene Mutamu imaze icyumweru **ivutse**. Ashaka kuyireka ngo na yo **ipfe**, bimwanga mu nda ati "none nazayifataho ishibu."

Intamenya ntibwira **umugenzi**. Oya sinakubwira, akora hasi si ukuyirera! Aranayigaburira, arayahirira akajya kandi ayisasira ahashyushye! Ihene si uguteta iratangaza yibera igitego barayirata. Ikura umunsi n'ijoro ihembe irarivugurura. Sehene yayireba agahimbarwa; noneho **akajya** ayizirika ahantu hashishe hafi y'urugo, akayihozaho ijisho.

Erega bahungu ngo "nta rutamburira impfusha!" Iminsi ihise ari myinshi Mutamu iratekereza, iti "n'ubu bwiza n'ubu busore n'aya maboko nzemere ndishirize ku murunga nk'ihene ya Mbuzukongira? Cyose da ejo nazavaho nkoboka ijosi, byavugwa he mubanzi? Aho narambiwe guhora hamwe nk'ikimuga: nzaca aha nigendere! Harya ngo ku gasozi haba ikirura cyishe bene mama? Se icyandusha amaboko cyaturuka he? **Nzagerageza** ninanirirwa nzagende mfe!

Ikora mu gakungu k'iki irasara irasizora ikiziriko iragikata. Ngiyo iracura imbimbiri ku mbuga y'igihuru. "Buno **bwatsi** ni itetu!" Aho ga nari ngiye no kuzacika umugongo imbura gihe! **Ndarisha** ubunsumba, uburi hasi mbugire umusego! Mu kanya gato iba irahaze iti "have njye gutambagira igihugu Imana **yampaye**, ureke bwa busa bwa Sehene!" Ikora hino, irahindukira iryama mu nsi y'igiti gitoshye. Nuko iruza umwete ni mpore ! Uwo munsu wayirebereye akataraboneka!

Meee! Meee ! Uwo ni nyiribyago Sehene wize guhebeba ngo none yamwumva agataha! Mutamu yawe imwumvise akarizo irakanenzeza, iti "nanjye mve aha! Ariko hari uwakwemerera guhora ku ngoyi boshye umugome! Urarushywa n'ubusa Sehene, ngo umutima muhanano ntiwuzura igituza'. Nuko nzemere mfungwe peee! Uwabona **ngarutse** we yagira ngo iki? Nzapfa urundi."

Huun.!' Huuun! Ihene itangira kubyogabyoga. Dore ishyano! Ibya hano biguruka nta mababa! Itangira gutekereza **impyisi**. Huun! Huuun! Iyo ni gica cy'urukinga n'urutamu ku mugongo! Mutamu ireba hirya no hino, ibura uburyama n'ubuhagarara, ubwoba burayisaga isigara ihinda umushyitsi. Huun! Iratitirije amaso atera ibishashi, iteye iyo shashi y'inshirasoni. Nyirashyano itekereza ibyo guhunga isanga bitagishobotse iti "ahasigaye ni ukurwana." Ngo "tiku! Tiku!" Rwasakiranye: ngiryo ihembe ngiryo iryinyo birakururana bibura gica. **Isake** irinda iyibikiraho, umuseke ureya.

Mu rukerera Mutamu iti "ni uko nabeshyaga n'ubundi nta hene irwanya impyisi, iki cyago cyanyishe.

### **IBIBAZO KU MWANDIKO**

#### **SUBIZA YEGO/OYA/amanota 10**

1. Sehene ntabwo yihebye ko impyisi zamumariye ihene
2. Mutamu imaze kuba ishashi yagize intege nke
3. Mutamu imaze guca ikiziriko yaryamye aho yari iri
4. Sehene yarishimye atabonye Mutamu
5. Mutamu yazize umwijito
6. Impyisi yari imaze iminsi ihiga Mutamu
7. Sehene yabaye indangare
8. Mutamu yakuze vuba kubera gufatwa neza
9. Impyisi ntabwo yateye Mutamu ubwoba
10. Umunezero wa Mutamu yawumaranye igihe kirekire

#### **HUZA AMAGAMBO ARI MU RUHUSHYA A N' IGISOBANURO MU RUHUSHYA B (Amanota 5)**

- | <b>A</b>                       | <b>B</b>               |
|--------------------------------|------------------------|
| a) <b>Imbimbiri</b>            | 1. irarityaza          |
| b) <b>Inshirasoni</b>          | 2. rwahanganye         |
| c) <b>Ihembe irarivugurura</b> | 3. ntibyakiranuka      |
| d) <b>Rwasakiranye</b>         | 4. imirindi y' amaguru |
| e) <b>Bibura gica</b>          | 5. Isuzugura           |

## **SUBIZA YEGO/ OYA KU BIBAZO BIKURIKIRA (Amanota 5)**

1. Umuseke ureya bisobanura “umuseke uratandukanye.”
2. Ishibu y’ihene ni “ihene y’ifatizo.”
3. Mu rukerera bisobanura “mu museso.”
4. Irasara irasizora bisobanura “irakubagana bikabije.”
5. Ubwatsi bw’itetu ni “ubwatsi bwinshi bwiza”

## **IBIBAZO KU BYIZWE**

### **HITAMO IGISUBIZO GIKWIYE ( Amanota 5)**

#### **1. Ni uruhe ruhare umuranga yari afite mu bukwe nyarwanda? 2**

- A. Gukora imihango yo gusaba no gukwa
- B. Guhuza imiryango no kugeza ubutumwa hagati yayo
- C. Guteka no kugaburira abashyitsi
- D. Gucuranga indirimbo z’ubukwe

#### **2. Ni iyihe mimaro y’igisabo mu muco nyarwanda? 2**

- A. Kubika amata no kwakira abashyitsi
- B. Gukorwamo ibikoresho byo kubaka
- C. Gukoreshwa n'abana mu mikino
- D. Kubika ibiryo byo mu bukwe

#### **3. Ni iyihe myitwarire iranga ubukwe nyarwanda bwa kera ugereranyije n’ubw’iki gihe? 1**

- A. Ubukwe bwa kera bushingiraga ku muco, ubw’ubu bushingira ku maserukiramuco
- B. Ubukwe bwa kera bwakorwaga n’abategura ubukwe
- C. Ubukwe bwa kera bwakoresha amafaranga menshi kurusha ubw’ubu
- D. Ubukwe bwa kera bwarangwaga n’imyambarire y’iki gihe no kwifotoza cyane

**IKIBONEZAMVUGO**

**SESENGURA AMAGAMBO ARI MU MWANDIKO WEREKANA UTUREMAJAMBO  
N'AMATEGEKO Y'IGENAMAJWI/amanota 20**

.....

.....

.....

.....

.....

.....

.....

.....

.....

.....

.....

.....

.....

**IHANGAMWANDIKO ( Amanota 15)**

Utarengeje **imirongo 15**, vuga uko ubukwe nyarwanda bwakorwaga.

.....

.....

.....

.....

.....

.....

.....

.....

.....

.....

.....

.....

**MWISHYUKE!**